

Dunando honor na esnan cu a logra prome cune Edjean Semeleer ta anuncia su artista nan invita



Y mas cu claro e tambe lo presenta un di su temanan di mas grandi na e publico cu lo tey presente.

"Un rato", "Bernardo", "Aunke cu mi no tey", "Julie" y un sin fin di exitonan grandi

ta loke Dhaddy Brokke tin bao di su number. Un berdadero pionero den entretenimiento local. Un di e mihor cantantenan femenino cu Aruba a conoce.

Dhaddy tambe lo presenta e exito di mas grandi di su carera den e concierto "Bek na mi raiznan".

Edwin y Dhaddy, ambos tin admiracion masha grandi pa Edjean tambe, ya cu nan ta masha orguyoso di mira un talento hoben y local marca pasonan importante y yuda mantene nos identidad bibo.

Sin pensa dos biaha, ambos a acepta pa forma parti di e evento unico aki y cu hopi emocion a haya sa cu nan lo worde honra durante e anochi aki.

Awe nos a anuncia dos di e invitadonan special y legendario. Den e siguiente comunicado, bo lo haya sa kende lo ta e otro legendarionan cu tambe lo forma parti di "Bek na mi raiznan", e concierto den cua Edjean Semeleer lo celebra y recorda su 15 añanan den farandula. Bo no por perd'e!

ORANJESTAD (AAN): Desde un principio, for di e prome concierto cu Edjean a presenta 3 aña pasa, el a comparti su escenario cu varios artista local y internacional.

Diabierna 2 di Oktober proximo lo no ta diferente. Locual si lo ta unico y diferente, ta e motibo cu a scohe e artistanan aki pa participa den su concierto "Bek na mi raiznan".

Como artista y personahe influyente den nos comunidad, Edjean ta conciente cu e mester ta un diferencia positivo pa tur hende cu ta rond di dje, y cu e ta hunga un rol masha importante den e desaroyo di su comunidad.

Locual cu kier refleha cu e artistanan invita aki, ta cu como persona, apesar di ta asina exitoso y apesar di a logra asina hopi den un tempo relativamente corto, semper bo mester ta conciente di e factornan cu a hunga un rol den bo carera pa a yuda bo yega caminda cu bo ta den presente.

E ingredientenan di mas importante semper ta den bo mes bo lo haya nan. Caracter, determinacion, seriedad, humildad, disciplina, respet, compasion y curashi. Pero gratitud tambe ta un factor cu nunca ningun ser humano mester perde.

Edjean lo duna honor na algun artista legendario den nos comunidad cu a logra hopi prome cu'ne y cu tin



hopi mas aña den e ramo masha special aki, mustrandando asina su gratitud na e artistanan cu a yuda forma e fundeshi di entretenimiento local, pa e por a sigui cana ariba y sigui yuda duna forma. E prome dos legendarionan cu ta worde anuncia awe, ta dos artista sumamente popular y stima den pueblo.

Edwin Abath y Dhaddy Brokke ta artistanan di taya cu pa varios aña a entretene miles di fanatico local y internacional cu nan piesanan inmortal, cu ya caba ta parti di e memoria colectivo di henter nos comunidad.

Tur hende por corda exitonan manera "Cada Vez", "Dushi Morena", "Raspao" y asina por sigui menciona hopi mas, di un di e miho cantantenan masculino cu Aruba a conoce. Edwin Abath ta un di esnan cu su carera largo y impresionante, y logronan grandi lo worde reconoci e anochi special aki.

Telefonan di DIARIO
582-6747 / Fax: 582-8551